

明道眼醒昏迷苦中甘最奇些兒真味你還知煙霞獨步歸
閑閑雲水任東西靈空一片隨昏昏默默往來飛前程事已知
真大道出塵機般般種種離重陽許我白牛兒而今便是誰

卜筮子

四大因緣做苦海憑船渡一棹清風到岸頭得上無生路人
歎風貧苦我步閑閑趣脫體全空沒一文勝似石崇富
自入玄門戶寂淡清虛做靜裏披搜四假身勘破塵行路悟
上還重悟得得真閑趣收住身中無價真豈逐人情去
風漢閑中做彼岸神舟渡萬里晴空無片雲月照曹溪路割
斷冤情苦默默明玄趣一任傍人笑我貧肚裏非常富

道藏輯要

水雲集

三

胃集五
X二二

沁園春

愛欲無涯有限形軀休苦苦疲這宿緣分有兒和女是他家衣
飯各自相隨謾使心機空生計較大限臨頭孰替伊當須悟早
抽身物外也是便宜 蹉跎下手猶遲切莫外週遊覓妙微但
塵心起處皆魔孽認元初本有鍛鍊昏迷真靜真慈玄波滌蕩
自在逍遙境上持千朝後現靈臺一點射無爲

虛幻浮華百歲光陰歎一刹那謾區區碌碌爭名利縱榮華富
貴貪得如何蜃氣樓臺虹橋碧落些子時光長久麼聞強健出
熬熬苦海速上高坡 聰明切勿蹉跎算世事皆空身莫過認
元初本有無窮寶染塵埃蒙昧慢慢揩摩保養靈根頻頻澆澆